

宋元珍稀地方志叢刊

李勇先 王會豪 周 斌等 點校

乙編

三

四川大學出版社



宋元珍稀地方志叢刊

李勇先 王會豪 周 斌等

江苏工业学院图书馆
藏书章

乙編

三



宋元珍稀地方志叢刊

四川大學歷史地理研究所學術叢書

無錫縣志

(元)佚 名纂修
周 斌 校點

前言

《無錫縣志》四卷，元佚名撰，元至正年間修。該志爲現存最早無錫縣之志書，記事內容止於元至正六年。

無錫縣置於漢初，新莽時改稱有錫縣，東漢時復舊。元元貞二年陞縣爲州，至明洪武二年復改爲縣。《四庫全書總目》認爲該志稱「縣志」而不稱「州志」，應是「洪武中書」，而非元代修纂。然是志子目有州境、州署等，且學校三之四記載「州學即舊縣學也」。綜觀此志記述，雖偶有稱縣者，然以稱州者居多。另是志鄉舉記載之時間下限至元至正元年，離元末尚有二十七年，若爲明洪武年間所修，定當增補至元末，故疑是志修於元至正年間。是志原名《無錫州志》，至明初無錫改州爲縣後，版刻此書者遂將書名改爲《無錫縣志》，而內容並無增刪。

是志共分四門二十一目，卷一邑里共九目，卷二山川共二目，卷三事物共八目，

卷四辭章共二目。體例嚴謹，爲志書之佳構，且引用元代及元以前詩文較明清所修無錫志爲多，故文獻價值較高。

是志有明刻本、鈔本、四庫全書本、民國十一年鉛印《錫山先哲叢刊》第一輯本，今據四庫全書本整理。然四庫全書所據底本亦非善本，文中多有缺略，而以「闕」字標識，今據弘治《重修無錫縣志》補足。所引詩文亦多有訛誤，今據現存所引各書及光緒《無錫金匱縣志》訂正。間有詩文作者名誤題或刪落者，今一一據其材料來源更正或補題。另四庫全書本遇清諱或避或不避，地名等專用名稱用字亦前後不統一，同一子目下並列條目，或提行，或不提行，凡此皆出校說明。

整理者

二〇〇九年三月

提要

四庫全書總目提要

臣等謹案，《無錫縣志》四卷，不著撰人名氏。考《千頃堂書目》，有元王仁輔《無錫縣志》二十八卷，與此本卷數不符，蓋別一書也。考《明史·地理志》〔一〕，洪武二年四月始改無錫州爲縣，是志《古今郡縣表》末雖止於陞無錫縣爲州，然標題實稱爲無錫縣，已爲明初之制。又《郡縣表》止元貞，而學校類中已載至正辛巳鄉舉陸以衛，則所紀已逮元末，是洪武中書矣。

第一卷爲邑里，第二卷爲山川，第三卷爲事物，分上下二子卷，第四卷爲詞章，亦分上中下三子卷，中又分小類二十一。詞簡而事該，亦地志之善本。惜首卷原序已佚，其撰次本末不可得而考也。

《元史·地理志》稱成宗元貞二年陞無錫爲州，此志乃云元年〔二〕，作志者紀錄

時事歲月必確，以是推之，知《元史》疎漏多矣。是亦書貴舊本之一驗也。

乾隆四十六年十一月恭校上。

總纂官： 臣紀昀， 臣陸錫熊， 臣孫士毅。

總校官： 臣陸費墀。

【校勘記】

〔一〕地里志：里、理古今字，故「地理」常作「地里」。下同。

〔二〕元年：原作「二年」，與上下文義相左，據本書卷四下《無錫陞州記》改。

目錄

前言·····一

提要·····一

四庫全書總目提要·····一

無錫縣志卷一·····一

邑里第一·····一

古今郡縣表一之一·····一

風俗一之二·····一

戶口一之三·····一

貢賦一之四·····一

州境一之五	二四
城關一之六	二六
公署一之七	二七
鄉坊一之八	三〇
無錫縣志卷二	九七
山川第二	九七
總山二之一	九七
總水二之二	一四
無錫縣志卷三上	一三一
事物第三	一三一
《吳太伯世家》三之一《楚春申君列傳》附	一三一
人物三之二	一三九

無錫縣志卷三下……………一六七

事物第三……………一六七

州署三之三……………一六七

學校三之四……………一七三

第二泉三之五……………一八二

古迹三之六……………一八四

古墓三之七……………一八九

祠宇三之八……………一九五

災祥三之九……………二〇二

無錫縣志卷四上……………二〇五

辭章第四……………二〇五

詠歌四之一……………二〇五

無錫縣志卷四中·····	二七九
辭章第四·····	二七九
記述四之二上·····	二七九
無錫縣志卷四下·····	三一七
辭章第四·····	三一七
記述四之二下·····	三一七
參考書目·····	三四五

無錫縣志卷一

邑里第一

古者封建諸侯，錫以爵土，分布九州。秦漢縣邑天下，古法遂廢。唐置十道，宋設十五路。元併爲十一省，縣統於路，路統於省。無錫爲邑，歷世雖久，文獻尚存，而所損益猶可考見，故歷敘縣邑廢置、地里廣狹、城池高深，作邑里第一。

古今郡縣表一之一

按《史》《漢書》，無錫，《禹貢》揚州之北境，在天官星紀爲斗牛女之分布，無錫實當女之辰，於古爲荒服。自周太王長子太伯以其弟季歷賢而有聖子昌，因知太王欲立季歷以及昌，於是太伯與仲雍奔荊蠻，文身斷髮以避季歷。季歷立，是爲王

季。昌繼立，是爲文王。於是太伯處荊蠻，自號句吳，荊蠻義之，從者千餘家，立爲吳太伯。太伯遭殷之末，中國侯王數用兵，恐及於荊蠻，起城周三里二百步，外郭三百餘里，在吳之西北隅，名曰故吳墟，即今無錫梅里之太伯城是也。周武王克商，求太伯、仲雍之後，得周章，周章已君吳，因而封之。至春秋魯成公七年，晉使行人於吳，吳於是始大通吳於上國。自襄公時，會中國之諸侯矣。周敬王六年，闔閭用伍子胥之謀伐楚入郢，師還，始城姑蘇而遷都焉。魯哀公二十年，越滅吳，無錫自是歸於越。周顯王三十五年，楚滅越，則無錫隨以屬楚。楚考烈王元年，以黃歇爲相，封爲春申君，賜淮北路十二縣。後十五歲，黃歇言之楚王曰：「淮北地邊齊，其事急，請以爲郡便。」因併獻淮北十二縣，請封於江東。考烈王許之。春申君因城故吳墟，以自爲都邑。秦併天下，置三十六郡，以其地屬會稽郡。前漢因之。陸羽《惠山寺記》云：「惠山當秦時，大產鉛錫，至漢興，錫方殫，故創無錫縣。」是無錫爲縣自前漢始。王莽世，錫復出，改曰有錫縣。漢中興，錫止，仍復舊名。東漢光武時，始陞無錫爲侯國。至順帝時，分會稽置吳郡，縣仍隸焉。武帝時置刺史部十三州，以揚州領會稽郡。晉明帝太康初平吳，分天下爲十九州，既又分吳郡

置毘陵，其地仍爲揚州之封域。厥後，以避東海王世子諱，改毘陵爲晉陵，或治於丹徒，或治於京口。又僑置南蘭陵郡於武進郡。雖遷革不一，而縣邑如故。陳後主禎明二年，又改無錫縣爲吳州。隋高祖罷天下郡爲州以統縣，煬帝復置郡罷州，而縣如故。最後於常熟置州，遂名常州，尋復故，縣隸毘陵郡。唐太宗貞初，分天下爲十道，尋增改爲十五道，縣無所更易。代宗大歷中〔一〕，陞無錫爲望縣。至僖宗朝，竊據不常，郡縣每陷於僭逆。宋太祖平五代之亂，至太宗初，分天下爲十五路，而常隸兩浙路，縣因屬焉。元一海宇，縣歸版圖，置十一省，以常屬江浙省。元貞間，陞天下大縣爲州，而無錫以民齒之夥，遂得爲中州云。

歷代	州	國	郡	縣
唐	揚州。			
虞	揚州。			
夏	揚州。			

歷代	殷	周	亥 敬王六年丁
州	揚州。	揚州。	
國	始號句吳。《史記》：「太伯奔荊蠻，自號句吳。」	吳。《史記》：「武王克商，求太伯、仲雍之後，得周章。周章已君吳，因而封之。」《毘陵志》云：「賁，章少子，繼封爲安陽侯。其地在無錫縣安陽山下。」	吳王闔閭元年，始城姑蘇而遷都焉。
郡			
縣			

歷代	元王元年乙丑	顯王三十五年丁亥	赧王五十三年己亥	秦始皇二十六年庚辰
州				
國	越王句踐二十二年，爲吳王夫差之十九年，實春秋魯哀公二十年，越滅吳，吳入於越。	楚威王六年，楚滅越，殺越王無彊，吳自是人於楚。	楚考烈王元年。	
郡				置會稽郡。是年兼併天下，分天下爲三十六郡，以吳屬會稽郡。
縣			春申君黃歇封江東，因城故吳墟，以自爲都邑。	